

Le poesie in piemontese
di
Valter Agostini

CANTADA 'D FRATEL ÒM

*Mi it òdio, òm,
quand che ant ël dòm
dla virtù primordial
a ven bësbijand,
rusiand,
ël Mal...
quand che a ven prepotent,
borios,
glorios
an sla carn, ël Serpent,
fuetand la bianca nìvola 'd l'incens
che as perdrà
vers l'orisont, vers l'orisont inmens
dël pecà.*

*(Ant ël dòm dla virtù
ël seugn d'un paradìs perdú
a l'é sorgis
d'òdio për ti, òm, nemis).*

*As dësparìa
l'eucaristìa
e la neuit ëd Valpurga infernal
l'é carlevé dël Mal...
dël Mal... dël Mal...*

*Carlevé disperà
dël pior dij luv quand che a son-a l'alvò,
carnevalada amèra
d'un mond doleurì vers soa tomba 'd tèra.*

CANTO DEL FRATELLO UOMO

*Ti odio, uomo
quando nel duomo
della virtù primordiale
entra sussurrando,
rosicando,
il Male...
quando arriva prepotente,
borioso,
vanaglorioso,
sulla carne il Serpente,
fustigando la bianca nuvola dell'incenso
che si perderà
verso l'orizzonte sconfinato
del peccato.*

*(Nella cattedrale della virtù
il sogno di un paradiso perduto
è fonte
d'odio per te, uomo nemico).*

*Si sparecchiava
l'eucarestia
e la notte infernale di Valpurga
è il carnevale del Male...
del Male...del Male...*

*Carnevale disperato
del lamento dei lupi quando risuona la sveglia del mattino,
carnevalata amara
di un mondo di dolore destinato a una tomba di terra.*

*(Ma, dime, chi 't ses ti
ch'it piore ansema a mi?
Ma dime, a l'é pecà
l'avèite běstëmmià?).*

*Sot al giòv doloros dël dur travaj,
contra la sferza dël dëstin servaj,
'd fianch a ti, crocifiss,
òm, amis,
mi im pòrto, strach, mè còrp vers nòstra meta,
vers la val frèida che tuti a nē speta.
E 'l di che i casco sot mè grev fardel
ch'i l'àbia tò përdon, amis, fratel.*

*(Ma, dimmi, chi sei tu
che piangi insieme a me?
Ma dimmi, è peccato
l'averti bestemmiato?).*

*Sotto al giogo penoso del duro lavoro,
contro le sferzate del destino selvaggio,
di fianco a te, crocefisso,
uomo, amico,
trascino, stanco, il mio corpo verso la nostra meta,
verso la valle fredda che ci attende tutti.
E il giorno che cedo sotto il mio pesante fardello
che riesca ad avere il tuo perdono, amico, fratello.*